


鍼灸大成

卷六部

C



鍼灸大成卷之六

五臟六腑圖

經穴起止歌

肺臟圖

手太陰經穴主治

大腸腑圖

手陽明經穴主治

胃腑圖

足陽明經穴主治

脾臟圖

足太陰經穴主治

心臟圖

手少陰經穴主治

小腸腑圖

手太陽經穴主治


膀胱腑圖

足太陽經穴主治

腎臟圖

足少陰經穴主治

臟腑正面圖




關門謂大小腸會處也
自此泌別滲於膀胱中
乃為溺

溺自此出


分水謂水穀承受於關門
水則滲灌於膀胱而為溺
便穀之滓穢則自關門而
傳送於大腸之中也

臟腑背面圖



肛腸又名
 廣腸即肛
 門也一名
 魄門大便
 出處

臟腑之圖



五臟藏者藏也。心藏神。肺藏魄。肝藏魂。脾藏意。與智。腎藏精。與志。故爲五臟。

六腑。腑者府也。膽胃大腸小腸三焦膀胱。受五臟濁氣。名傳化之府。故爲六腑。

五臟藏精而不瀉。故滿而不實。六腑輸瀉而不藏。故實而不滿。如水穀入口。則胃實而腸虛。食下則腸實而胃虛。故曰實而不滿。

肝重三斤三兩。六葉兩耳。四垂如蓋。附脊第三椎。中有二十四孔。行列分布諸臟。清濁之氣。爲五臟華蓋云。

心重十二兩七孔。三毛形如未敷蓮花。居肺下。膈上。附脊。

第五椎

心包絡在心下橫膜之上豎膜之下與橫模相粘而黃脂
慢裏者心也外有細筋膜如絲與心肺相連者包絡也
三焦者水穀之道路氣之所終始也上焦在心下胃上甘
治在膻中直兩乳間陷中者中焦在胃中脘當臍上四
寸其治在臍旁下焦當膀胱上際其治在臍下一寸
肝重二斤四兩左三葉右四葉其治在左其臟在右脇右
腎之前並胃附脊第九椎

膽在肝之短葉間重三兩三銖包精汁三合

膈膜前齊鳩尾後齊十一椎周圍着脊以遮隔濁氣不使

上薰心肺也。

脾重二斤三兩廣三寸長五寸掩乎太倉附脊十一椎
胃重二斤一兩大一尺五寸徑五寸紆曲屈伸長二尺六
寸

小腸重二斤十四兩長三丈二尺左回疊積十六曲小腸
上口卽胃之下口在臍上二寸復下一寸水分穴爲小
腸下口至是而泌別清濁水液入膀胱滓穢入大腸
大腸重二斤十二兩長三丈一尺廣四寸右回疊十六曲
當臍中心大腸上口卽小腸下口也。

腎有兩枚重一斤一兩狀如石卵色黃紫當腎下兩旁

脊膂附脊十四椎前與臍平。

膀胱重九兩二銖廣九寸居腎下之前大腸之側膀胱上際卽小腸下口水液由是滲入焉。

脊骨二十一節取穴之法以平肩爲大椎卽百勞穴也。

臟腑十二經穴起止歌。

手肺少商中府起大腸商陽迎香二足胃頭維厲兌三肺
部隱白大包四手心極泉少衝來小腸少澤聽宮去膀胱
睛明至陰間腎經湧泉俞府位心包天池中衝隨三焦關
衝耳門繼膽家童子髎竅陰厥肝大敦期門至十二經穴
始終歌學者銘於肺腑記。

肺臟圖

肺重三
筋三兩
六葉兩
耳凡八
葉附脊
第三椎



手太陰肺經



內經曰肺者相傳之宮治節出焉

肺者氣之本魄之處也其華在毛其充在皮爲陰中之少陰通於秋氣

西方白色入通於肺開竅於鼻藏精於肺故病在背其味辛其類金其畜馬其穀稻其應四時上爲太白星是以知病之在皮毛也其音商其數九其臭腥其液涕

西方生燥燥生金金生辛辛生肺肺生皮毛皮毛生腎肺主鼻其在天爲燥在地爲金在體爲皮毛在臟爲肺在聲爲哭爲變動爲咳在志爲憂憂傷肺喜勝憂熱傷皮毛寒勝熱辛傷皮毛苦勝辛

手太陰肺經穴歌

手太陰肺十一穴中府雲門天府訣夾白尺澤孔最存列

缺經渠太淵涉魚際少商如韭葉

左右二
十二穴

此一經起於中府終於少商取少商魚際太淵經渠尺澤
與井榮俞經合也脉起中焦下絡大腸還循胃口上膈屬
肺從肺系橫出腋循臑內行少陰心主之前下肘中循
臂內上骨下廉入寸口上魚循魚際出大指端其支者從
腕後列缺穴直出次指內廉出其端交手陽明也多氣少
血寅時注此辛金之臟脉居右寸實則脉實上熱氣粗兼
鼻塞瀉必辛涼虛則脉虛少氣不足息低微補須酸熱橘

甘下痰氣之神方薑陳去氣嗽之聖藥七情鬱結因而喘
沉香烏藥參櫟胸痞喘急徹而痛半夏瓜蒌桔梗鼻塞不
通尤荊穗澄茄薄荷鼻淵不止未龍腦蒼芷辛夷百花却
去紅痰二母偏除熱嗽黃連赤茯阿膠扣心火而清肺臟
訶子杏仁通草利久嗽以出喉音流注疼痛因痰飲半夏
倍於朴硝癰疹疼痛爲風熱苦參少於皂莢哮喘嗽麝麝
苓蟬蛻杏除尖砒霜少入熱壅咽喉雞蘇荊芥桔防風參
牛甘草消酒疸輕粉硫黃去鼻痔白礬甘遂白砒霜性情
實重人豆豉偏治哮喘百草霜氣味雖輕和海鹽却消舌
腫甜葶藶良治肺癰苦能膽寒塗腸痔瓊玉膏理嗽調元

流金丹清痰降火人參非大劑不補少則凝滯大則流通
黃芩非枯薄不瀉細則涼腸枯則清金升麻白芷東垣魯
云報使葱白麻黃仲景常用引經紫苑五味能補歛桑白
防風實開通寒熱溫涼名方選辨輕重緩急指下詳明更
參一字之秘價值千金之重會得其中旨草木總皆空

○導引本經

肺爲五臟之華蓋聲音之所從出皮膚頤

之而潤澤者也人惟內傷七情外感六淫而呼吸出入不
定肺金於是乎不清矣然欲清金必先調息息調則動由
不生而心火自靜一者下着安心二者寬中體三者想氣
遍毛孔出入通用無障而細其心令息微微此爲真息也

蓋息從心起。心靜息調。息歸根。金丹之母。心印經曰。回風混合。百日通靈。內經曰。秋三月。此謂容平。天氣以急。地氣以明。夜卧早起。與鷄俱興。使志安寧。以緩秋形。收斂神氣。使秋氣平。無外其志。使肺氣清。逆之則傷肺。若過食瓜果。宜微利。一行靜息。二曰以薤白粥加羊腎。空心補之。如無羊腎。以猪腰代之。勝服補劑。秋當溫足涼頭。其時清肅之氣與體收斂也。自夏至以來。陰氣漸旺。當薄衽席。以培壽基。其或夏傷於暑。至秋發爲痧瘧。陽上陰下。交爭爲寒。陽下陰上交。爭爲熱。寒熱交爭。皆肺之受病。如二少陽脉微弦。卽是夏食生冷。積滯留中。至秋變爲痢疾。如足陽明